

1

Akhri buug-yarahaaga codbixiyeyaasha si aad u barrato waxa ku qoran warqaddaada codbixinta.



2

Warqaddaada codbixinta, buuxi goobaabinta ku dhinac taal dookhyadaada.




3

Saxiix xagga dambe ee bakhshadda soo celinta ee warqaddaada codbixinta.



4

Soo celi warqaddaada codbixinta. Haddii ay tahay sanduuqa lagu rido warqadda codbixinta ama boostada, wakhti hore codee!



5

Raad-raac warqaddaada codbixinta. Booqo [kce.wiki/TrackMyBallot-SO](https://www.kingcounty.gov/elections/obmp) ama isku qor helitaanka digniimaha warqadda codbixinta barta [kce.wiki/BallotAlert](https://www.kingcounty.gov/elections/obmp). Kuwani waa hababka ugu wanaagsan ee lagu ogaado in warqaddaada codbixinta la tiriyay oo codkaaga la maqlay.



Sida loo

codeeyo!

Doorashada Gaarka ah ee Febraayo 2026

Degmada King Buug-yaraha Rasmiga ah ee Codbixiyeyaasha Deegaanka

sida ay codsatay Degmada Dugsiga Tahoma Lr. 409

Isku qor si aad u hesho digniimaha warqadda codbixinta!

Hel qoraallo taleefan ama iimeelyo ah marka warqaddaada codbixinta la sii habeynaayo oo la tiriyo. Iska qor barta [kce.wiki/TrackMyBallot-SO](https://www.kingcounty.gov/elections/obmp).



Is diiwaan geli si aad u codeyso



Oonleenka: Booqo [VoteWA.gov](https://www.kingcounty.gov/elections/obmp) si aad oonleenka iskaga diiwaan geliso oo aad u codeyso. Wakhtiga kama dambeysta ah ee is diiwaan gelinta oonleenka ee Doorashada Gaarka ah ee Febraayo waa Febraayo 2.



Boostada: Ka soo degso oo daabaco foomka diiwaan gelinta barta [kce.wiki/VoterReg](https://www.kingcounty.gov/elections/obmp) oo boostada ugu dir Doorashooyinka Degmada King: 919 SW Grady Way, Renton, WA 98057. Waa in la helaa ugu dambeyn Febraayo 2.



Shakhsi ahaan: Waxaad shakhsi ahaan iskaga diiwaan gelin kartaa xarunta guud ee Doorashooyinka Degmada King ilaa iyo Febraayo 10, Maalinta Doorashada. Macluumaad dheeraad ah oo ku saabsan saacadaha iyo adeegyada waxaad ka heli kartaa barta [kingcounty.gov/elections](https://www.kingcounty.gov/elections).

Nala soo xiriir si aad u hesho buug-yarahaan oo qaab kale ah.

Contact us to receive your voting materials in Chinese, Korean, Russian, Somali, Spanish, or Vietnamese.

如需獲取您的中文投票資訊，請與我們聯絡。

한국어로 투표 자료를 받으시려면 저희에게 연락하세요.

Свяжитесь с нами, чтобы получать материалы для голосования на русском.


Nala soo xiriir si aad u hesho agabyadaada codeynta oo ku qoran Af-Soomaali.

Comuníquese con nosotros para recibir sus materiales de votación en español.

Xin vui lòng liên lạc với Sở Bầu cử Quận King để nhận tài liệu bầu cử bằng tiếng Việt.



Baro wax dheeraad ah oo ku saabsan sanduuqyada lagu rido, Xarumaha Codbixinta, iyo in ka badan!



Ma u baahan tahay warqad codbixin beddelaad ah?

Haddii warqaddaada codbixinta ay dhunto ama xumaato, waxaad daabacan kartaa warqad codbixin beddelaad ah adigoo jooga guriga, maktabadda, ama meel walba oo ku habboon.

Barnaamijka Calaamadaynta Warqadda Codbixinta ee Oonleenka (OBMP) waxaa heli kara dhammaan codbixiyeyaasha diiwaan gashan. Waxaa loogu talagalay inuu u oggolaado codbixiyeyaasha naafada ah, gaar ahaan kuwa indhooleyaasha ah ama uu araggoodu hooseeyo, inay warqaddooda codbixinta si gaar ah u calaamadayaan.



Sida loo isticmaalo Barnaamijka Calaamadaynta Warqadda Codbixinta ee Oonleenka

- Tag barta [kingcounty.gov/elections/obmp](https://www.kingcounty.gov/elections/obmp).
- Macluumaadkaaga geli foomka.
- Ku calaamadee dookhyadaada warqadda codbixinta oonleenka oo ka dibna daabac warqaddaada codbixinta ee aad buuxisay.

AMA

- Daabac warqaddaada codbixinta oo ka dibna gacanta ku calaamadee.

- Hubi in warqaddaada codbixinta si sax ah aad u calaamadaysay.
- Ku soo celi warqaddaada codbixinta sida caadiga ah, sanduuqa lagu rido warqadda codbixinta ama adoo soo marsiinaaya boostada.

Lacagta boostada looma baahna haddii aad isticmaasho xaashida lifaaqa bakhshadda ee la socota marka aad daabacaysa warqaddaada codbixinta.



Haddii aad u baahan tahay caawinnaad dheeraad ah ama hab kale oo aad u dhiibato warqaddaada codbixinta, fadlan kala soo xiriir xafiiskeena taleefanka 206-296-VOTE (8683).




Yaa deeq ku bixiya ololeyaasha?

Eeg ku-deeqeyaasha dhaqaale ee musharaxiinta iyo cabbirrada sharciga ee gobolka iyo dowladda hoose:

Guddiga Kashifaadda Dadweynaha

www.pdc.wa.gov | Wicitaanka Lacag La'aanta 1-877-601-2828



Waxaan halkaan u joogaa in aan ku caawinno!

Shaqaalaha doorashooyinka ayaa kaa caawinno kara inaad is diiwaan geliso oo aad hesho warqad codbixin cusub ilaa iyo Maalinta Doorashada. Ma u baahan tahay warqad codbixin beddelaad ah oo ma doonaysaa inaad si gaar ah u calaamadaysa warqaddaada codbixinta? Ka hel warqaddaada codbixinta oonleenka barta [kingcounty.gov/elections/obmp](https://www.kingcounty.gov/elections/obmp) si aad uga faa'iidayso Barnaamijka Calaamadaynta Warqadda Codbixinta ee Oonleenka.

Warqaddaada codbixinta ayaa waxaa ku duuban macluumaad waxtar leh! Iska xaqiiji inaad lifaaqa warqaddaada codbixinta ka dhex eegto:

- shanta sanduuq ee lagu rido warqadda codbixinta ee kuugu dhow,
- halka aad ka heli karto caawinnaad shakhsi ahaanneed,
- sida loo daabaco warqaddaada codbixinta haddii taada kaa lunto ama waxyeello soo gaarto,
- sida loo soo celiyo warqaddaada codbixinta,
- iyo in ka badan!

206-296-VOTE (8683)
elections@kingcounty.gov
[kingcounty.gov/elections](https://www.kingcounty.gov/elections)

Baraheena Bulshada
[@kcelections](https://www.kingcounty.gov/elections)



Degmada Dugsiga Tahoma Lr. 409

Soo Jeedinta Lr. 1	<i>Qoraalka buuxa ee cabbirkan ayaa laga heli karaa Xafiiska Doorashooyinka ama oonleenka barta kingcounty.gov/elections.</i>	
Beddelaadda Canshuurta Wakhtigeedu Dhammaanayso ee Barnaamijyada Waxbarashada iyo Hawlgallada		
<p>Guddiga Agaasimeyaasha ayaa meel mariyay Qaraarka Lr. 2025-14 ee khuseeya soo jeedin taageeraysa barnaamijyada waxbarashada ee uusan gobolku maalgelin. Soo jeedintaan waxay Degmada u oggolaanaysaa inay beddesho canshuur wakhtigeedu dhammaanayso iyadoo soo rogaysa canshuuraha dheeraadka ah ee soo socda ee dhammaan hantida la canshuuri karo ee gudaha Degmada, si ay u bixiso taageerada barnaamijyada waxbarashada iyo hawlgallada, oo ay ku jiraan farshaxanka, ciyaaraha, hawlaha manhajka ka baxsan, waxbarashada gaarka ah, tababarka macallimiinta, iyo shaqaalaha si ay u taageeraan hawlgallada degmada, ammaanka, iyo fayoqabka:</p>		
Sannadka Ururinta	Heerka Canshuurta ee La Qiyaasay/\$1,000 Qiimaha la qiimeeyay	Caddadka Canshuurta
2027	\$2.37	\$31,233,375
2028	\$2.37	\$32,795,043
2029	\$2.37	\$34,434,795
2030	\$2.37	\$36,156,535
dhammaan sida ku cad Qaraarka Lr. 2025-14. Ma tahay in soo jeedintaan la ansixiyo?		
Haa		
Maya	Shuruudaha ansixinta: Aqlabiyad fudud (Dastuurka Washington, qodobka VII, qaybta 2(a))	

Bayaanka lagu taageerayo

Lee Thomas, Abraham Ritter

Lacagaha canshuurta Barnaamijyada Waxbarashada iyo Hawlgallada (EP&O) waxay xaqiijinayaan in bulshadeennu ay sii wadato inay ka faa'iidayrato degmo waxbarasho oo heer sare ah. Canshuurta *beddelka* ah waxay muhiim u tahay bixinta waayo-aragnimo waxbarasho oo ammaan ah, kobcin leh, oo awood siisa *dhammaan* ardayda Tahoma. Degmo waxbarasho oo xoog leh ayaa xoojisa firfircoonida, ammaanka, iyo caafimaadka dhaqaalaha bulshadeenna.

Sababtoo ah lacagta gobolka iyo federaalka ma daboolaan kharashka buuxa ee waxbarashada ardayda, waxaa loo baahan yahay maalgelin maxalli ah si loo taageero shaqaalaha, kalkaaliyeyaasha caafimaadka, amniga, barnaamijyada, naadiyada iyo ciyaaraha, iyo qalabka. Canshuurta waxay ka dhigan tahay 16% miisaaniyadda guud ee degmada. Taageerada canshuurta waxay ardayda u oggolaanaysaa inay ku guuleystaan barnaamijyo kala duwan oo u diyaariya jaamacadda, shaqooyinka, iyo nolosha. Haddii aan la bixin canshuurta, barnaamijyada muhiimka ah waxay la kulmi doonaan yarayn weyn.

Canshuurta la soo jeediyay *ma aha* kordhinta maalgelinta. Degmadu waxay codsanaysaa keliya caddadka lagama maarmaanka u ah si loo sii wado adeegyada hadda jira. Canshuurta ugu badan ee la oggolaanayo waa \$2.50 halkii \$1,000 ee qiimaha la qiimeeyay; si kastaba ha ahaatee, Tahoma markii hore waxay codsatay \$2.37, iyo heerka ugu dambeeya ee canshuurta wuxuu noqon karaa ilaa \$2.35! Canshuurtaan afarta sanno ah waxay yarayn doontaa lacagta canshuur-bixiyeyaasha iyo wakhti iyadoo keenaysa xasillooni muddo dheer.

Codka "Haa" wuxuu taageeraa ardaydeenna iyo shaqaalaheena, wuxuu ilaaliyaa tayada dugsiyadeena, wuxuuna xoojiyaa labadaba degmadeena iyo bulshadeenna.

Doorashooyinka Degmada King looma oggola inay wax ka beddelaan bayaannada, mana qaadaan mas'uuliyadda qoraallada ku jira.

Bayaanka Sharaxaadda

Ansixinta Soo Jeedinta Lr. 1 waxay Degmada Dugsiga Tahoma Lr. 409 u oggolaanaysaa inay dib-u-cusbooneysiiso canshuurta wakhtigeedu dhammaanayso ee barnaamijyada waxbarashada iyo hawlgallada. Canshuurta la soo jeediyay waxay oggolaanaysaa ururinta canshuuraha hantida dheeraadka ah ee sannadlaha oo ah \$31,233,375 sannadka 2027, \$32,795,043 sannadka 2028, \$34,434,795 sannadka 2029, iyo \$36,156,535 sannadka 2030.

Haddii codbixiyeyaashu ansixiyaan soo jeedintaan, canshuurahaan waxaa lagu shubi doonaa Sanduuqa Guud ee Degmada iyadoo loo isticmaali doono bixinta hawlaha maalinlaha ah ee dugsiga si loo daboolo baahiyaha ardayda ee aan gobolku maalgelin, oo ay ku jiraan laakiin aan ku xaddidnayn: farshaxanka, ciyaaraha isboortiska, hawlaha dheeraadka ah, tababarka gaarka ah, tababarka macallinka, iyo shaqaalaha si loo taageero hawlaha degmada, ammaanka, iyo caafimaad wanaagsan.

Iyadoo lagu salaynayo macluumaadka qiimeynta la qiimeeyay ee la saadaaliyay, Degmadu waxay qiyaasaysaa heerka canshuurta ee canshuurtaan la soo jeediyay oo ah \$2.37 halkii \$1,000 ee qiimaha la qiimeeyay sannad kasta oo ka mid ah afarta sanno ee ururinta (2027, 2028, 2029, iyo 2030). Ka dhaafitaanka canshuurta hantida ayaa laga yaabaa in ay heli karaan qaar ka mid ah mulkiileyaasha guryaha ee da'da weyn ama kuwa naafada ah kuwaas oo buuxiya xadka dakhliga la cayimay. Si aad u hesho macluumaad la xiriira ka dhaafitaannada, ka wac Qiimeeyaha Degmada King taleefanka (206) 296-7300.

Bayaanka looga soo horjeedo

Ma jiro wax bayaan ah oo ka soo horjeeda cabbirkan. Ma jiro qof ka tirsan gudaha maamulka oo la soo xiriiray Doorashooyinka Degmada King si uu uga mid noqdo guddiga qoraaya bayaanka ka soo horjeeda cabbirka sharciga.

Maamulada cabbirrada ku soo bandhigga warqadda codbixinta waxay sidoo kale magacaabaan xubno ka tirsan dadweynaha si ay uga mid noqdaan guddiyada "taageeridda" iyo "ka soo horjeedidda". Guddiyadan waxay diyaariyaan bayaanno taageeraya ama ka soo horjeeda cabbirka sharciga ee warqadda codbixinta. Bayaannadan waxaa lagu daabacaa buug-yaraha codbixiyeyaasha deegaanka si ay uga caawiyaan codbixiyeyaasha inay go'aanno xog-ogaal ah gaaraan. Haddii maamulka uusan awoodin inuu magacaabo guddi, Doorashooyinka Degmada King waxay magacaabi karaan mid walba oo ka mid ah xubnaha guddiga ee u qalma ee hore isa soo taaga. Si aad mustaqbalka ugu biirto guddi, fadlan la xiriir maamulka.

Degmada Dugsiga Tahoma Lr. 409

Soo Jeedinta Lr. 2	<i>Qoraalka buuxa ee cabbirkan ayaa laga heli karaa Xafiiska Doorashooyinka ama oonleenka barta kingcounty.gov/elections.</i>	
Beddelaadda Canshuurta Wakhtigeedu Dhammaanayso ee Mashaariicda Hantida Waaweyn ee Teknolojiyada		
<p>Guddiga Agaasimeyaasha ayaa meel mariyay Qaraarka Lr. 2025-15 ee khuseeya soo jeedin ku aaddan canshuurta mashaariicda hantida waaweyn ee teknolojiyada. Soo jeedintaan waxay Degmada u oggolaanaysaa inay soo rogto canshuuraha dheeraadka ah ee soo socda ee dhammaan hantida la canshuuri karo ee gudaha Degmada si loo helo teknolojiyada waxbarashada iyo hawlgalka, qalabka, softiweerka, shaqaalaha, tababarka iyo taageerada farsamada:</p>		
Sannadka Ururinta	Heerka Canshuurta ee La Qiyaasay/\$1,000 Qiimaha la qiimeeyay	Caddadka Canshuurta
2027	\$0.39	\$5,145,316
2028	\$0.39	\$5,402,582
2029	\$0.39	\$5,672,711
2030	\$0.39	\$5,956,346
dhammaan sida ku cad Qaraarka Lr. 2025-15. Ma tahay in soo jeedintaan la ansixiyo?		
Haa		
Maya	Shuruudaha ansixinta: Aqlabiyad fudud (Dastuurka Washington, qodobka VII, qaybta 2(a))	

Bayaanka lagu taageerayo

Kenneth Moreland, Ginnylynn Ursprung
https://voteyestahoma.com/

Teknolojiyada waa qayb muhiim ah oo ka mid ah barashada ardayda ee sannadka 2025, iyo dib-u-cusbooneysiinta Canshuurta Teknolojiyada ayaa muhiim u ah ardayda Tahoma kuwaas oo ka dhigaysa arday tartama, isku xiran iyo ammaan leh. Codka "haa" ee Soo jeedinta Lr. 2 waxay cusbooneysiisaa canshuur wakhtigeedu dhammaan doonta oo taageeraya baahiyaha teknolojiyada iyo mashaariicda dhismaha ee guud ahaan Dugsiyada Degmada Tahoma Lr. 409.

Haddii la ansixiyo, canshuurta waxay sii wadi doontaa maalgelinta taageeraysa teknolojiyada ardayda iyo shaqaalaha, hagaajinta nidaamyada kombuyuutarka, isgaarsiinta iyo casriyaynta shabakadaha, ammaanka goobta iyo amniga internetka, ruqsadaha softiweerka, qalabka waxbarashada oonleenka, teknolojiyada caawinnaadda helitaanka ardayda, iyo tababarada sii socda si ay macallimiintu teknolojiyada ugu isticmaali karaan fasalladooda si wax ku ool ah.

Canshuurta Teknolojiyada waxay hubinaysaa in ardaydu helaan qalab casri ah iyo qalab dhigitaal ah iyagoo weli horumarinaya xirfadaha muhiimka ah sida iskaashiga, isgaarsiinta, iyo xallinta dhibaatooyinka. Khibrahadaan waxay ardayda siiyaan aqoonta dhijitaalka iyo xirfadaha teknolojiyada dhabta ah ee looga baahan yahay guusha shaqooyinka mustaqbalka iyo waxbarasho sii socota. Canshuurtaan sidoo kale waxay ilaalisaa xogta gaarka u ah ardayda iyo qoysaskooda, waxayna taageertaa nidaamyada ammaanka sida helitaanka kaararka gelitaanka, raadiyaha, iyo kaamaradaha amniga.

Qiimaha Canshuurta weli waa \$0.39 halkii \$1,000 ee qiimaha la qiimeeyay sannad kasta, sida uu hadda yahay. Qaar ka mid ah mulkiileyaasha guryaha ee da'da weyn ama naafada ah ayaa laga yaabaa inay u qalmi karaan ka dhaafitaanka; la xiriir Qiimeeyaha Degmada King taleefanka (206) 296-7300.

Doorashooyinka Degmada King looma oggola inay wax ka beddelaan bayaannada, mana qaadaan mas'uuliyadda qoraallada ku jira.

Bayaanka Sharaxaadda

Ansixinta Soo Jeedinta Lr. 2 waxay Degmada Dugsiga Tahoma Lr. 409 u oggolaanaysaa inay dib-u-cusbooneysiiso canshuurta wakhtigeedu dhammaanayso ee mashaariicda hantida waaweyn iyo baahiyaha teknolojiyada. Canshuurta la soo jeediyay waxay oggolaanaysaa ururinta canshuuraha hantida dheeraadka ah ee sannadlaha oo ah \$5,145,316 sannadka 2027, \$5,402,582 sannadka 2028, \$5,672,711 sannadka 2029, iyo \$5,956,346 sannadka 2030.

Haddii codbixiyeyaashu ansixiyaan soo jeedintaan, canshuurahaan waxaa lagu shubi doonaa Sanduuqa Mashaariicda Hantida Waaweyn ee Degmada waxaana loo isticmaali doonaa teknolojiyada shaqaalaha iyo isticmaalka ardayda, oo ay ku jiraan iibsiga, rakibidda iyo horumarinta teknolojiyada kombuyuutarka, isgaarsiinta taleefanka iyo nidaamyada shabakadaha; kharashaadka ammaanka goobta iyo amniga internetka; iyo khidmadaha joogtada ah ee codsiyada oonleenka iyo shatiyada softiweerka, iyo tababar joogto ah oo la xiriira rakibidda iyo isku-dhafka badeecooyinkan iyo adeegyada.

Iyadoo lagu salaynayo macluumaadka qiimeynta la qiimeeyay ee la saadaaliyay, Degmadu waxay qiyaasaysaa heerka canshuurta ee canshuurtaan la soo jeediyay oo ah \$0.39 halkii \$1,000 ee qiimaha la qiimeeyay sannad kasta oo ka mid ah afarta sanno ee ururinta (2027, 2028, 2029, iyo 2030). Ka dhaafitaanka canshuurta hantida ayaa laga yaabaa in ay heli karaan qaar ka mid ah mulkiileyaasha guryaha ee da'da weyn ama kuwa naafada ah kuwaas oo buuxiya xadka dakhliga la cayimay. Si aad u hesho macluumaad la xiriira ka dhaafitaannada, ka wac Qiimeeyaha Degmada King taleefanka (206) 296-7300.

Bayaanka looga soo horjeedo

Ma jiro wax bayaan ah oo ka soo horjeeda cabbirkan. Ma jiro qof ka tirsan gudaha maamulka oo la soo xiriiray Doorashooyinka Degmada King si uu uga mid noqdo guddiga qoraaya bayaanka ka soo horjeeda cabbirka sharciga.

Maamulada cabbirrada ku soo bandhigga warqadda codbixinta waxay sidoo kale magacaabaan xubno ka tirsan dadweynaha si ay uga mid noqdaan guddiyada "taageeridda" iyo "ka soo horjeedidda". Guddiyadan waxay diyaariyaan bayaanno taageeraya ama ka soo horjeeda cabbirka sharciga ee warqadda codbixinta. Bayaannadan waxaa lagu daabacaa buug-yaraha codbixiyeyaasha deegaanka si ay uga caawiyaan codbixiyeyaasha inay go'aanno xog-ogaal ah gaaraan. Haddii maamulka uusan awoodin inuu magacaabo guddi, Doorashooyinka Degmada King waxay magacaabi karaan mid walba oo ka mid ah xubnaha guddiga ee u qalma ee hore isa soo taaga. Si aad mustaqbalka ugu biirto guddi, fadlan la xiriir maamulka.